

A *rubá***A** *ntaño*

RECORDANDO AÑA 1925

Na aña 1925 Marcela Thijsen y Johanna Croes ta pasa cas di hende, for di Savaneta te SanNicolas y Seroe Blanco, tur parti pa haya poco placa pa blancha misa, pasobra ta fiesta di 25 aña.

E celebracion mes a cuminsa cu un triduo, tres dia Alabanza cu predicashi di pastoor Tobias Jansen di Noord. Pastoor ta skirbi den su cronico: "No tabatin mucho interes di banda di parokianonan. Toch nos no por keha, ora nos ta tuma den consideracion cu pueblo di Savaneta no ta gusta bay misa".

Dia di clausura si hopi hende a bini pa gradici Dios pa e privilegio cu nan tabatin un misa y sacerdote mei-mei di nan. Monsenior Vuylsteke tambe a bini, pa motivo cu e mes a traha e plannan pa e misa 25 anja pasa, tempo e tabata pastoor di Santa Cruz. El a tene un predikashi bao di misa pontifical, y a compara bida religioso di awor cu 25 anja pasa. El a conta con e mes a mira necesidad pa traha un misa aki, y con esey a bira posibel door di contribucion y cooperacion di e pueblo.

Pastoor tabata spera cu Obispo lo a priminti na fin di su predikashi pa haci e misa mas grandi, pero Obispo no a bisa nada di esey. Atardi 5'or tabatin Alabanza Pontifical, cu predikashi di pastoor Saris di Playa. Mitar Aruba tabata presente. 40 auto y truck a trece hendenan di tur parti di nos isla. Na tal ocasionnan hende tabata bini no solamente pa motibonan religioso, y nan a haci algo mas cu resa. "Pusha Buchi Ni" tabata un di e expresionnan cu ta nifica "dal un bitter", pasobra Buchi Ni tabata un hende cu ta gusta dal bitter cu botter na boca.

Pastoor Murk ta skirbi: "Ta remarcable, cu durante henter dia di fiesta, nan no a mira ni un Savanetero burachi. E dia ey pueblo a comporta su mes excelentemente!"